



# OBUKHOONYI OBURULANGA IKULU

ESHIAANZWA NENDE  
WATSON GOODMAN

SHINO SHIRAKUSIBWA Tawe

**“OBUKHOONYI OBURULANGA IKULU”** no-  
bwanzwi bwebiasia bilala bielbibulia ebirula mubitabo  
biayo ebiabukhaane. Isie esuubilanga mbu obwinoosi  
bweshisina sbiamakhuwa kelbibulia obuli obulayi muno  
burulanga mumakhuwa kelbibulia akeene.

Likhuwa liaNyasaye lirulanga mwikulu, ne lilimwo  
obukhoonyi obunji khubandu abali neinzala nabaliibwa  
obuloho bwobulunjishi. Omundu niyeekalukhasia, na-  
lekha ebionono, niyeenjisia Omwami Yesu Kristo ame-  
nyenje mumwoyokwe, nasubila nomwoyo kwosi mbu  
Yesu Kristo niye Omuhoniawe, Omwami Yesu omwene  
alamumanyishila nokhumuheelesia obusangaali nomu-  
lembe. Ndabirila mukeenekano omuyika kwa 1937; ne  
okhurula olwenolwo eshili okhufunakakhwo obubambani  
obuli hakari wOmwami ninasi ta. Ekhuhombelesia mbu  
omufuchiilile Yesu bulaano buno abe Omuhoniawo,  
khandi Omwamiwo, nikaba mbu oshili okhukholakhwo  
orio ta.

— Watson Goodman

## AbaRoma 5:8

Ne Nyasaye yalolosia obuheeli bubwe khwifwe mwikhuwa lino, mbu olwa khwali nikhushili aboonooni, Kristo yakhufwila.

## Yohana 13:1

Ne lisabo liaPasaka olwa liali nilishili, Yesu olwa yali namanyile mbu eshisheshie shimalile okhuula olwa yakheenyokha narula mushialo shino natsia ewaSamwana, khandi olwa yali naheelile abebe abali mushialo, yabaheelela elala.

## Obufwimbuli 1:5

Nokhurula khuYesu Kristo, omurumbusi wobuloli omusuubulwa oyo, oweebulwa owambeli

okhurula mubafu, nomukhulundu wabaruchi beshialo. Oluyali nende obunyali bibe khu oyo owakhuheela, nakhuboholola mubionoono bieefwe khulwa amabangake.

## Yeremia 31:3

OMWAMI yamuloleshela okhurula ehale, ari Ndakhuheela obuheeli oburahwaho ta; niko akachila ndatsitsachisia obuheeli bwanje oburalilu khwiwe.

## Yohana 3:16

Okhuba Nyasaye yaheela muno eshialo, okhuula khukhuhaana Omwanawe omuteelwa, mbu omundu yesi oumusubulila aleshe okhutiba, ne mbu abe nobulamu bwobumeli.

## 1 Timotseo 3:16

Okhuba bosi bafuchilisia mbu libiso lieidini yeefwe nelikhongo; mbu Yamanyishila mumubili, obulunjishibwe bwalolosilibwa muroho, yalolwa nende abamalaika; yeelwatswa mumahanga, yasubibililwa mushibala, yakulusibwa muluyali.

## Yohana 14:7-10

Nimwakha'manyile, k h a n e mwakhamumanyile nende Papa yesi; nokhurula olwa leelo mumumanyile, khandi mumuluutsi. Filipino namusunjila ari Omwami, okhumanyiekhwo So watsana; ako kakhakhuhela. Naye Yesu namusunjila mbu Khane ndabeele-

nje nineenywe eshise eshirambi shiri nanwa, nawe noshili okhumanya, Filipino? Ounduutsi isie amuluutsi Papa; kho oboola orie, mbu Okhumanyie Papa? Shiosuubilanga shinga olwa endi muPapa, khandi Papa shinga olwa ali mwisie, ta?

## Matsayo 1:22, 23

Ne kano kosi keekholile mbu mana amakhuwa koosibwe aka Omwami yasunjila mumulakusi, ari Lola, omukhaana omushisila alihela inda, niyeebula omwana omusiani, ne balimukulikha eliira mbu Imanueli, eshisina mbu, Nyasaye halala nineefwe.

**1 Yohana 4:15**

Omundu yesi owiyama shinga Yesu olwa ali Omwana waNyasaye, Nyasaye amenyanga muye, naye muNyasaye.

**AbaKolosai 2:9**

Okhuba muye nimwo omwa obulamba bwosi bwObunyasaye bumenyanga eshinamubili.

**Matsayo 17:5**

Ne olwa yali nashiboolanga, lola, lileesi ling'inang'inu liabafwimba; ne lola, omwoyo okwarula mwileesi nikuboola, kuri Uno niye Omwana wanje omuheelwa; muye nimwo omwa enjamisilubungwa muno; mumuhulilenje.

**Isaya 9:6**

Khulweefwe omwana yeebuulwe, kuhuheelwe omwana omusiani; oburuchi nabwo bulabeetsanga khwibekalie, naye alakulikhwa eliira, mbu Omwibaali Wamakana, Nyasaye Wobunyali, Seefwe Wobumeli, Omukhulundu Womulembe.

**Luka 1:35**

Naye malaika nakalusia, namusunjila mbu Roho Omutakatifu alakhwitsila, obunyali bwa Oyo Ouli Ikulu Muno nabwo bulakhu-fwimba; niko akachila eshieneshio eshiitsa okhwibulwa shilalangwa mbu eshitakatifu, mbu Omwana waNyasaye.

**Yohana 11:25**

Yesu namusunjila ari Isie nisie obulamushi, khandi nende obulamu; ousuubilila isie, kata olwa afwa, ne alaba omulamu.

**Yohana 13:13**

Inywe munanga mbu Omwechesia, khandi mbu Omwami; ne muboolanga bulayi; shichila ni-lwo olwa endi.

**Yohana 8:23**

Naye nababoolela mbu Inywe muli abahasi; isie endi oweikulu. Inywe muli abeshialo shino; isie shindi oweshialo shino tawe.

**Yohana 9:5**

Olwa endi mushialo, isie nisie obulafu bweshialo.

**Yohana 4:25, 26**

Omukhasi namusunjila ari Emanyile mbu Masihi ali okhwitsa, oulangwa mbu Kristo; naye olwa alaba niyeetsile, alakhufwimbulila amakhuwa kosi. Yesu namubooolela mbu Isie ouboolana ninawe, **ISIE NISIE.**

**Yohana 8:58**

Yesu nababoolela ari Toto mwene, emusunjila mbu Olwa Aburahamu yali nashili okhubaho, **ISIE NISIE.**

**Yohana 10:7**

Kho Yesu nababoolela khandi, ari Toto mwene, emusunjila mbu isie nisie eshilibwa shiamakondi.

# AKAMAKANA KANDI AKA YESU YAKHOLA 5

## Matsayo 14:19-21

Nalaka abemikanda okhwikhala hasi khubunyasi; nabukula emikaate echio chiraano netsinyeeni tsibili, nahenga mwikulu nabisabila ibaraka, nabisonyola, nakabila abeechibe emikaate, abeechi nabo nibakabila abemikanda. Bosi nibalia nibeekura; nibakhung'aasia ebisonye ebiali nibitong'ile nibeetsusia ebimwelo ekhumi nabibili. Abalia bali abasaatsa shinga ebikhumila biraano, oburabala abakhasi kata abaana tawe.

## Luka 5:4-6

Ne olwa yali naleshile okhuboola, yamubiila Simoni ari Sitia khutsie halusiba, mufuube tsikha-

nda tsieenywe, mbu mwikalile tsinyeeni. Simoni nakalusia, nasunga mbu Omwami, khunya-khaane eshilo tutu, nikhuratiila eshindu ta; ne khulwa likhuwalio ndaleesia tsikhanda. Ne olwa bali nibakholile bario, beekalila tsinyeeni tsinyinji muno; tsikhanda tsiabwe nitsienya okhukhalikha.

## Matsayo 21:19

Nalola omukhuyu khundulo weinjila, natsia ewa kwali, naryoolakhwo eshindu ta, habula amasaafu konyene; nakuboolela ari Ebiamo bileshe okhunyoolekhakhwo khwiwe okhurula olwa leelo kata inziayo ta. Habwene nahabwene omukhuyu nikuniala.

# 6 YESU KRISTO NIYE OMULONJI NENDE OMWAMI

**AbaKolosai 1:16**

Okhuba mumwenoyo nimwo omwa ebindu biosi bialonjelwa, mwikulu khandi mushialo, ebindu eбилolekha nende ebindu eбірало-лекha ta; kata nibili ebifumbi bio- bwami, kata abobwami, kata abo- buruchi, kata abobunyali; ebindu biosi bialongwa khululwe, nibi- chooma khuye.

**Aba Heburania 1:2**

Nyasaye. . . Ne mubumaliilishi bweshise shino wakhusunjila mu- Mwanawe, owa yakhola omwene bindu biosi; khandi mumwenoyo nimwo omwa yalonjela mwo eshi- bala shiosi.

**AbaRoma 14:9**

Okhuba niko akachila Kristo yafwa nende okhulamukha, mbu abe Omwami wabafu nende abali mwoyo bosі.

**1 AbaKorinzo 1:9**

Nyasaye nomwisiikwa, owamu- langa okhwinjila mubusanjilani bwomwanawe Yesu Kristo Omwami weefwe.

**Ebikhole 2:36**

Kho abe inzu yosi ya Isiraeli ba- manye toto mbu Nyasaye yamu- kholile Yesu uno, owa mwabamba khumusalaba, abe Omwami, kha- ndi Kristo.



# YESU KRISTO NIYE OMUYAASI WABOSI 7

**Matsayo 25:32**

Abamahanga kosi nabo bali-khung'aasibwa imbeliwe; naye alibaahukhasia, shinga omwayi olwa yaahukhasinja amakondi nende tsimbusi.

**AbaRoma 14:10**

Ne iwe, omukhalachilanga omwana weenywe eshiina mbushiina? Kata khandi iwe, olekanga omwana weenywe mbushiina? Okhuba fwesi khulisinjila hashifumbi-shiobuyaasi shiaNyasaye.

**Ebikhole 10:42**

Ne yakhulachilisia okhwilwatsila abandu nende okhurumbula

akobuloli shinga uno olwa ali ye owareebwaho nende Nyasaye abe omukhalachi weshiina khubalamu khandi nende abafu.

**AbaRoma 2:16**

Kaliba kario khunyanga eyo olwa Nyasaye aliyaasia tsiyemi tsiabandu tsiamabiswi, injili yanje shinga olwa yiboola, muYesu Kristo.

**2 Timotseo 4:1**

Ekhulaka imbeli waNyasaye nende waKristo Yesu ouliyaasia abalamu nende abafu, khandi khulwa okhulolekhakhwe nende obwamibwe.

## **8 OBUNUNULWI BURULA KHUYESU YENYENE**

**Yohana 8:24**

**Niko akachilile nimusunjiile mbu mulafwila mubionoono biienywe; shichila nimurasuubila mbu ISIE NISIE ta, mulafwila mubionoono biienywe.**

**Ebikhole 4:12**

**Ne obuhonia shibuli muwundi yesi ta; kata libulaho eliira lindi hasi welikulu elia abandu bahebwa, elia khukhoyile okhuhonili-bwamwo.**

**Yohana 10:9**

**Isie nisie eshiblibwa; omundu yesi naba niyeenjila nabirila khwisie, alahona; mana aleenjilanga nende okhurula, nanyoola obwayilo.**

**AbaHeburania 5:9**

**Mana namalile okhukholwa o-mulamba ario, yabakwila bosi abamuhulilanga eshinoko shiobuhonia bwobumeli.**

**AbaHeburania 7:25**

**Khandi niko akachilanga nanyala okhubahonilia elala abo abasitanga ahambi khuNyasaye khululwe; okhuba abeetsangaho mwoyo obushia nobushia okhubasaayila.**

**Yohana 14:6**

**Yesu namuboolela mbu Isie nisie injila, khandi obwatoto, khandi obulamu. Abulaho owitsila Papa narabirila khwisie ta.**

# OBUNUNULWI BURULA KHUYESU YENYENE 9

**AbaKolosai 1:12-14**

Mumukhupile Seefwe orio, o-wakhunyalila okhuba abakwanile okhusanjilana khubulaame bwa-batakatifu mubulafu. Yakhuhonia mubwami bweshilima, nakhuhuya nakhuleera mubwami bwO-mwanawe omuheelwa; ne muye khunyoolela obununulwi bweefwe, nibwo obuleshelwi bwebionono bieefwe.

**1 AbaKorinzo 1:30**

Ne niye ouchila nimuli mu-Kristo Yesu, owakholwa obuchesi bwaNyasaye khwifwe, khandi nende obulunjishi, nobwahuli, nobununuli.

**Tito 2:14**

Ye yeehaana khulweefwe, mbu akhununule mubumayaanu bwosi, niyeesiiyila omwene oluyia lwa-bandu olwakhaba olulwe omwene, abarakhwo omwoyo khubikhole ebilayi.

**Obufwimbuli 5:9**

Nibeemba olwimbo oluyia, bari Niwe oukwanile okhubukula eshitabu, nokhufunaka ebibalikho biashio; shichila weerwa, khandi khulwa amabangako wamukulila Nyasaye abombuli luyia, nabuli lulimi, nabuli bandu, nabuli lihanga.

# 10 AMABANGA KAKRISTO NIKO AKAKHUNUNULA

**Matsayo 26:28**

**Okhuba kano namabanga kanje akeIndakano, akeebeenela abandu abanji khulwa okuleshelwa khwebionono.**

**AbaRoma 5:9**

**Kho bulaano, olwa khumalile okhubasilibwa obulunjishi khulwa amabangake, shikhulashila muno okhuhonibwa muburima khululwe?**

**AbaEfeso 1:7**

**Ne mumwenoyo khuli nobunulwi khulwa amabangake, mbwobuno mbu obuleshelwi bwebionono bieefwe, obuyinda bwobukoosiabwe shinga olwa buli.**

**1 Yohana 1:7**

**Ne nikhuba nikhuchenda mubulafu, shinga ye olwa ali mubulafu, kho khuba nikhusanjilanga abeene nabeene, amabanga kaYesu Omwanawe nako kakhusiiyanga khubwonooni bwosi.**

**1 Petero 1:18, 19**

**Mumanyile bulayi mbu ebia mwanunulilwa, okhurula mubwiyili bweenywe obukhaya obwa mwakaamilwa nabakuuka, shibiali ebindu ebibolanga, shinga ifeetsa kata itsahaabu, tawe; nebutswa kali amatsayi akolukoosi muno, shinga akelikondi elibula esbikha kata eshiroonyeleli shiosi, niko akaKristo.**

# OKHUHONIBWA KHULWA OKHUSUUBILILA KRISTO 11

**1 Yohana 5:4**

Shichila eshiibulwa nende Nyasaye shihulanga eshialo; ne buno nibwo obuhuli obwahula eshialo, mbu obusuubili bweefwe.

**AbaEfeso 2:8, 9**

Okhuba mwahonibwa khulwa obukoosia, munjila yobusuubili; shimuli inywe abakhola ta; neshihaanwa shiaNyasaye; shikhuli okhwebikhole ta, mbu omundu yesi aleshe okhwiyitsiala.

**AbaRoma 5:1**

Khulwako, olwa khubasilibwa obulunjishi khurio khulwa obusuubili, khuli nomulembe khu-

Nyasaye khulwa Omwami weefwe Yesu Kristo.

**Yohana 6:28, 29**

Kho nibamureeba bari Khukhole khurie, kho khukhole emilimo chiaNyasaye? Yesu nakalusia nabasunjila ari Kuno nikwo omulimo kwaNyasaye, mbu musuubilile oyo owa yaruma.

**Yohana 20:31**

Ne bino bihandiichilwe mbu musuubile shinga Yesu olwa ali ye Kristo watsana, Omwana waNyasaye; khandi mbu nimusuubiile, mube nobulamu khulwa eliiralie.

**Itsabuli 103:11**

Okhuba shinga likulu olwa liehaanya ikulu weshialo muno, nolwa obuheelibwe oburalilu buli obunji burio khubamuriitsanga.

**Itsabuli 103:17**

Ne obuheeli oburalilu bwOMWAMI hubeetsangaho okhurula khubumeli okhuula khubumeli, khubamuriitsanga, nobulunjishi-bwe khubeetsukhulu babwe.

**Mika 7:18**

Kuli heena omunyasaye okwilinga iwe, ouleshelanga abandu obumayaanu, nomaayia obukhayi bwomusikalo kwobulaamebwo?

Shiobiikhanga oburimabwo inziayo ta, okhuba osangaalilanga obuheeli oburalilu.

**Tito 3:5**

Yakhuhonia; ne shikhwali khulwa ebikhole biobulunjishi ebia ifwe khwakhola ta, habula tsimbabasitsie shinga olwa tsili, munjila yokhwosibwa khwobwibulwi obuyia, nokhukholwa abayia nende Roho Omutakatifu.

**Tsinzikhulu 3:22, 23**

Obuheeli oburalilu bwOmwami shibuhweetsanga kata eshisashie okhwakama ta. Bibeetsanga ebiyia mutsuli buli mutsuli; obwisiikwabwo nobukhongo muno.

# **NYASAYE AKHULANGANGA KHWITSE KHUYE 13**

**Yohana 7:37**

**Haho khunyanga eyaheelelesia, niyo inyanga ikhongo yelisabo, Yesu yasinjila nalajinsia, ari Omundu yesi owa obuloho bulia, yeetse khwisie anywe.**

**Obufwimbuli 22:17**

**Roho nende omweha baboola mbu Witse! Ouhulila yesi aboole mbu Witse! Oyo owa obuloho bulia, yeetse; omundu yesi oukenya abukule khumatsi kobulamu akahaanwa butswa.**

**Isaya 1:18**

**OMWAMI aboola koo: Bulaa-no mwitse khukhalache amakhu-**

**wa; kata ebionoono bieenywe nibili shinga iranji iranzayi, bilalaba shinga itsaluchi; kata nibiakhanya shinga ipala, bilaba shinga obwoya bwamakondi amalafu.**

**Isaya 55:1**

**Bayaye, inywe mwesi aba obuloho bulia, mwitse amatsi; kata abula amapeesa, mwitse, mukule, nimulia; Tooto, mwitse, mukule idivai nende amabeele harali amapeesa naharali obukusi tawe.**

**Matsayo 11:28**

**Mwitse khwisie, inywe mwesi abachoonyanga nimusitohelwa, nasi ndalamuhuluusia.**

# 14 ABANDU BOSI SHIBALI ABAANA BANYASAYE TA

1 Yohana 3:10

Mwikhuwa lino nimwo omwa abaana baNyasaye bamanyishilanga, khandi nende abaana baSetani; mbu ourakholanga akobulunjishi shiali owaNyasaye tawe, kata oyo ouraheelanga omwana wabwe ta yesi ario.

AbaRoma 8:14, 15

Okhuba bosu abeemililwa nende Roho waNyasaye, abo nibo abana baNyasaye. Shichila shimwa-heebwa roho yobubohe obumukalusia muburii ta, ne mwabeebwa roho yokhukholwa abaana, eyichilanga nikhulanjisia khuri Aba, Papa.

AbaFilipi 2:15

Mbu mubule eshiuku shiosi nimuba abeshiilongoole, abaana baNyasaye ababula imbala yosi mukari wabolwibulo olushiamu olurambaatsanu, omwa muloleshela-ngamwo shinga ebiashilo mushialo.

2 AbaKorinzo 6:17, 18

Niko akachila Omwami nasunga mbu Murule hakari wabwe, nimwiyahula, nimuratiilakhwo khushindu shiosi shiomusilo ta; nasi ndalamwinjisia, ne ndalaba khwinywe Seenye, neenyu muba khwisie abaana banje abasiani nende abakhaana. Nilwo olwa Omwami Ounyala-biosi aboola.



# **AKA NYASAYE ABOOLANGA KHUKOBUMEESI 15**

**Isaya 5:11**

**Woowe khubeenabo abahuunanga mumabwibwi mbu balondachilile obunywi; abatsiilililanga okhuula mushilo hakari, okhuula olwa idivai yibaashia shinga omulilo.**

**AbaGalatia 5:19-21**

**Ne ebikhole biomubili biibakalanga ebulafu; biene mbiebino, mbu obuheyi, akeshifwabwi, obwilaasi, obwinamili bwebifwanani biabutswa, obufila, obusuku, obusoolo, okhukhalikha omukongo, oburima, obuyingani, obukabukhani, emiahukho, imbalikha,**

**obumeesi, obulangu, nende akafwana kario; akeenako eranjilila okhumuboolela khale, shinga olwa ndamuboolela khale olwambeli, mbu abakholanga akafwana kario shibalilia obulaame bwobwami bwaNyasaye ta.**

**AbaRoma 13:13, 14**

**Khwiyilenje mubwatoto, shinga abomushiteere; khuleshe obulangu nobumeesi; khuleshe obuheyi nobwilaasi; khuleshe obusoolo nende okhukhalikha omukongo. Nebutswa mwifwale Omwami Yesu Kristo nimurakasilia omubili obwiyangu bwokhukhola obwikombi bwakwo obubii ta.**

# OBUCHOOMI OBULAYI BWONYENE SHIBUHELILE TA

**Mariko 10:17-22**

Olwa yali nali khunjila natsii-tsanga, omundu undi yamutsiila tsimbilo namusikamila, namureeba ari Omwechesia omulayi, nekhole endie mbu mana enaamiwe obulamu bwobumeli? Yesu namukalusia ari Kho unanga mbu omulayi mbushiina? abulaho ouli omulayi habula mulala, niye Nya-saye. Omanyile amalako, mbu Oreera ta, Oraheya ta, Oreeba ta, Orachiikha ta, Orakaatia ta, Heelesia so nende mawo oluyali. Naye namusunjila mbu Omwechesia, ako kosi engakholanga okhurula nindi omwana. Haho Yesu yamu-

henga namuheela, namusunjila ari Oleemile likhuwa elala; mbu tsia okusie ebia oli ninabio biosi, oheesie abamanani, mana olaba nelibiikho mwikulu; mana witse, unondekhwo. Khwikhuwa elo yakhuunia mumoni, niyeenyokha nabeelele; shichila yali omwene mikunda emikali.

**Matsayo 22:37, 38**

Naye namuboolela mbu Omuheelenje Omwami Nyasayewo nende omwoyokwo kwosi, neshii-moshio shiosi, nobuyililisiibwo bwosi. Lino nilio lilako likhongo khandi neliambeli.

**Yakobo 1:22**

Mubeetsenje abakholi belikhuwa, ne muraba abahulili butswa ta, abeekaatia abeene.

**1 AbaKorinzo 6:9, 10**

Kata shimumanyile mbu ababula obulunjishi shibalilaamilwa obwami bwaNyasaye ta? Mureekaatia ta; mbu abasooti shibaliilaamilwa obwami bwaNyasaye ta, kata abeenamila ebifwanani, kata abaheyi, kata abeelaasi, kata abatanyana, kata abeebi, kata abalangukhu, kata abameesi, kata abanyechi, kata abanuuli tawe.

**AbaEfeso 5:6**

Omundu yesi aramukaatia namakhuwa amakhaya ta; okhuba

amakhuwa kano niko akachilanga oburima bwaNyasaye nibwitsa khubobukhayi.

**1 Yohana 3:7, 8**

Baana batii inywe, mwirecheshe omundu yesi aleshe okhumushiamia. Oukholanga akobulunjishi niye omulunjishi, shinga ye olwa ali omulunjishi. Oukholanga akobwonooni nowaSetani; okhuba Setani yoonoonanga okhurula khukhuchaaka. . .

**AbaGalatia 6:3**

Shichila omundu naba niyepaara shinga olwa ali eshindu, ne narali eshindu ta, yeekaatia omwene butswa.

**AbaRoma 5:12**

Niko akachila, shinga obwonooni olwa bweenjila mushialo khulwa omundu mulala, nende okhufwa khulwa obwonooni; nindio okhufwa khwatswanila abandu bosi, okhuba bosi boonona.

**Yakobo 1:15**

Mana obwikombi olwa huba nibubeleshe bumalanga bwibule eshionoono; eshionoono nashio, olwa shiba nishikhulile, shiibula okhufwa.

**AbaRoma 8:6**

Okhuba eshia omubili kuchoominjiakhwo amapaaro nokhufwa; ne eshia roho yichoominjiakhwo

amapaaro nobulamu nende omulembe.

**Ezekieli 18:20**

Omwoyo okwonoonanga, okwene kulafwa; omwana shialakuumilwa obumayaanu kwasamwana, kata samwana okhukuumilwa obumayaanu bwomwanawe ta; obulunjishi bwomulunjishi bulaba khuye, nabwo obubii bwomubii bulaba khuye.

**Luka 15:32**

Ne kakhoyeele okhutsatsahala nokhusangaala; okhuba uno omwana weenywe yali nafwile, ne ulamuushe; yali niyakora, ne unyooleeshe.

**1 AbaKorinzo 15:3, 4**

**Okhuba olwambeli ndamukaa-mila akeenako aka ndaheebwa, aka Kristo shinga olwa yafwa khulwa ebionono bieefwe, shinga amahandiiko olwa kaboola; khandi shinga olwa yayabilwa; khandi shinga olwa yalamusibwa mukhufwa khunyanga yakhataru, shinga amahandiiko olwa kaboola.**

**Yohana 11:43, 44**

**Ne olwa yali naboolile ario, yalanga nende omwoyo omukhongo, ari Lazaro, rulamwo. Omufu oyo narula, naboyilwe amakhono nebilenje nende isanda eyeing'ani, naboyilwe eshitambaya mumoni.**

**Yesu nababiila ari Mumuboholo-le, atsie.**

**Obufwimbuli 1:18**

**Noubeetsangaho mwoyo; ndali omufu, ne lola, endi mwoyo ebisoni nebisoni, nendi nende ebibohololo biolumbe nende biemakombe.**

**Yohana 10:17, 18**

**Kano niko akachila Papa yaheelanga, mbu ehaana obulamu bwanje, mbu mana embubukule khandi. Abulaho oumbuyinikhwo, nebutswa omwene embuhaana. Endi nobunyali okhububukula khandi. Lilako lino ndalakwa nende Papa.**

**Okhukalushila Mumalako 5:7-21**

**Orabeetsanga nende nyasaye undi ta, habula isie sienyene.**

**Oreekholela eshifwanani eshibaatsa ta, obukondo bweshindu shiosi eshili mwikulu bekulu, kata eshili mushialo hasi, kata eshili mumatsi hasi weshialo; orabiinamilanga kata okhubikhalabanila ta. . .**

**Orarumbulanga butswa eliira liOMWAMI Nyasayewo ta; shichila OMWAMI shialachweya okhumurakhwo eshiina tawe ourumbula butswa eliiralie.**

**Yitsulilanga inyanga yeisabaato, okhuchiahulanga, shinga OMWAMI Nyasayewo olwa yakhulaka.**

**Tsindaalo tsisasaba okhalabane-nje nokhola emilimochio chiosi; ne inyanga yomusaafu niyo isabaato yOMWAMI Nyasayewo. . .**

**Heelesinja so nende mawo oluyali, shinga OMWAMI Nyasayewo olwa yakhulaka. . .**

**Oreera omundu ta. Kata oraheeya ta. Kata oreeba ta. Kata orachiikha owashio ta.**

**Kata orakhaayilwa omukhasi wowashio ta; kata oreekomba inzu yowashio, kata omukundakwe, kata omukholiwe oweshisaa-tsa kata omukholiwe oweshikhasi, ing'ombeye kata isishiliye, kata eshindu shiosi eshia owashio ali ninashio ta.**

**AbaHeburania 4:13**

**Kata shibulaho eshilonje shiosi eshilibiswa; nebutswa biosi bili eshihechenye nibibakalwa ebulafu imbeli wetsimoni tsia oyo ouli omusinjilili wamakhuwa keefwe.**

**Tsinjelo 15:3**

**Tsimoni tsiOMWAMI tsibeetsangaho buli habundu hosi, nitsihenganga amabii nende amalayi.**

**Luka 8:17**

**Shichila libulaho elibiswa elirabisukha ta, kata elifuunikhwa elifafuunukha lialolekha mubulafu tawe.**

**Itsabuli 139:8 nende 12**

**Nimba ningulukha ninzia mwikulu, oba noliyo; nimba ninzala**

**obulili bwanje eMakombe, oba noliyo. . . khane kata eshiilima shishiba eshiilima khwiwe ta; ne eshilo shiakha shinga eshiteere; eshiilima nobulafu bifwanana butswa.**

**Ayubu 34:21, 22**

**Okhuba tsimonitsie tsihenga tsinjila tsiomundu; alolanga injendaye yosi. Bubulaho obumali, kata eshiilima ti ewa abakholi bobumayaanu beebisa ta.**

**Yeremia 23:24**

**Aliho ounyala okhwibisa hamba biswi mbu endeshe okhumulola? nolwa OMWAMI areeba. Shinzitsulanga mwikulu nomushialo pe? nolwa OMWAMI areeba.**

## 22 OBUKUUMWI BWOBUMELI OBWABAMAYAANU

**2 Petero 3:7**

Nebutswa likulu eliliho bulaa-  
no, kata nende eshialo, biabiishi-  
lwa omulilo khulwa likhuwa tsa-  
na, nibilindiilila induukho yobu-  
yaasii nobuhesibwi bwabandu a-  
baramuria Nyasaye ta.

**Itsabuli 9:17**

Ababii balahunzuka batsie  
eMakombe, nibo abamahanga  
akeebilila Nyasaye.

**Matsayo 18:8**

Ne omukhonokwo kata eshile-  
njeshio nishiba nishikhwisichira-  
sinjia, oshireme oshisukune ehale;  
neshilayi winjile mubulamu noli  
omulema kata oweindieku, okhu-

shila okhusukunwa mumulilo  
kwobumeli noli nemikhono chi-  
bili kata ebilenje bibili.

**Matsayo 13:41, 42**

Omwana wOmundu aliruma  
abamalaikabe, nabo balikhung'aa-  
sia ebiisichirasio biosi, nende  
abo abakholanga obumayaanu,  
nibabirusia mubwamibwe, nibabi-  
sukuna mumulilo okufwana shi-  
nga okwelirumbi; ebweneyo khu-  
libayo okhulila nokhulumaasia  
ameeno.

**Matsayo 25:46**

Bano balarula batsie mukhu-  
kumwa khwobumeli; ne abalu-  
njishi mubulamu bwobumeli.



**AbaHeburania 9:27**

Ne shinga olwa kalakwa mbu abandu bafwe lulala, mana olunyumakhwo obuyaasibwi nibubaho.

**Ebikhole 17:31**

Shichila amalile okhuraho induukho olwa alayaasia eshialo eshiina shiobulunjishi, khulwa omundu oyo owa yaahula; khandi yasubisiye abandu bosi amakhwa ako, olwa yamulamusia mukhufwa.

**1 Yohana 4:17**

Mwikhuwa lino nimwo omwa obuheeli bukholelwamwo obulamba mwifwe, mbu khube abeikho-

lo nyumu khunyanga yeshiina, shichila shinga ye olwa ali, nindio ifwe khuli mushialo shino.

**2 AbaKorinzo 5:10**

Okhuba fwesi khukhoyile okhumanyikha imbeli weshifumbishiobuyaasii shiaKristo; mbu buli mundu akalusilibwe ako aka yakhola nali mumubuli, aka yakhola shinga olwa kali, kata amalayi kata amabii.

**2 Petero 2:9**

Omwami yamanya okhuhonia abo abariitsanga Nyasaye mukhuteemwa, nokhubabiikha ababula obulunjishi mubukuumwi okhuula khunduukho yeshiina.

**AbaRoma 5:15**

Ne eshihaanwa eshia kuhu-  
bwa buha eshio shishili shinga  
obukhayi olwa bwali, tawe. Okhu-  
ba abandu abanji nibaba nibafwa  
khulwa obukhayi bwamulala, o-  
khushila muno obukoosia bwa-  
Nyasaye, nende eshihaanwa eshia-  
rula mubukoosia bwomundu mu-  
lala oyo Yesu Kristo, biashilaanila  
muno abandu abanji.

**2 AbaKorinzo 8:9**

Okhuba mwamanya obukoosia  
bwOmwami weefwe Yesu Kristo;  
mbu kata olwa yali omwene bu-  
yinda, ne khulweenywe yakwa  
omumanani, mbu mana inywe

muyindihale khulwa obumanani-  
bwe.

**Ebikhole 4:33**

Nabo abarume barumbula obu-  
loli bwabwe khubulamushi bwO-  
mwami Yesu namaani; obukoosia  
nibuba khubo bosi muno.

**AbaRoma 9:16**

Kho shikali aka oyo owenya,  
kata aka oyo oonyakhana ta, ha-  
bula akaNyasaye oubeelanga tsi-  
mbabasi.

**1 Petero 5:5**

. . . okhuba Nyasaye afukula-  
nga abeechinjimisii ne abakoosi-  
nja abeetuutuyii obukoosia.

**Ebikhole 3:19**

**Kho mwikalukhasie, nimushiu-khana, mbu ebionoono bieenywe bisiliisibwe, mbu mana tsinduukho tsiobusakulushi tsiitse khulwa okhubaho khwOmwami.**

**Ebikhole 17:30**

**Ne ebise ebiokhukorwa, Nyasaye yabimaayia; habula bulaano alachilisinjia abandu mbu bosu, ababuli handu, bakhoyile okhwikalukhasia.**

**Luka 13:3**

**Emukaania mbu tawe; ne nimureekalukhasia ta, mwesi mulasikha muri nanwa.**

**Ebikhole 2:38**

**Petero nabasunjila ari Mwikalukhasie nimubatisibwa, buli mulala, mulira lia Yesu Kristo, mbu munyoole obuleshelwi bwebionoono bieenywe; mana mulanyoola eshihaanwa shiaRoho Omutakatifu.**

**Matsayo 3:2**

**Mwikalukhasie; okhuba obwami obwomwikulu busitile ahambi.**

**2 AbaKorinzo 7:10**

**Okhuba eshibeela eshia Nyasaye achama shileera obwikalukhasii obuchooma khubuhonia, nibura-leera obwisirali ta; ne eshibeela shieshialo shileera okhufwa.**

## 26                      **OBULESHELWI BWEBIONONO**

**Mariko 2:5**

Yesu, olwa yalola obusuubili bwabwe, yasunjila owelikara ari Mwana wanje, wakhama okhuleshelwa ebiononobio.

**Isaya 55:7**

Omumayaanu aleshe injilaye, noyo oubula obulunjishi aleshe amapaaroke; amukalushile **OMWAMI**, naye alamubeela tsimbabasi; khandi khuNyasaye weefwe, okhuba alamuleshela elala.

**Ezekieli 18:21**

Ne omubii naba nashiukhana narula khubiononobie biosi ebia yakholanga, nalinda amalako ka-

nje kosi, nakhola akafuchiililwa, akali habwene, okhuba mwoyo alaba mwoyo; shialafwa ta.

**Ebikhole 5:31**

Omwenoyo, Nyasaye yamwemeshela hamukhonokwe musaatsa abe Omukhulundu khandi Omuhonia, khulwa okhuhelesia Isiraeli obwikalukhasii nende obuleshelwi bwebionono.

**Obufwimbuli 3:20**

Lola, esinjile khumuliango nikhong'onda; omundu yesi naba nahulila omwoyo kwanje, niyekula omuliango, ndaleenjilamwo, nindia ninaye ebilibwa, naye ninasi.

**Yakobo 4:4**

Inywe ababula obwisiikwa, shimumanyile mbu okhuhamba eshialo obwitsa nikhwo okhuhamba Nyasaye obusuku? Kho owenya okhuba omwitsa weshialo, yeekhola ario omusuku waNyasaye.

**AbaKolosai 3:2**

Rekhwo omwoyo khukali ikulu, ne khukali mushialo ta.

**Tito 2:11, 12**

Okhuba obukoosia bwaNyasaye bwaloleeshe, nibuleerela abandu bosi obuhonia, nibukhwibaalila, mbu khusile oburaria Nyasaye ta, nende obwikombi bweshialo, nikhumenya mushialo shino eshili-

ho bulaano mubwitembelesii nobulunjishi nikhumuriitsanga Nyasaye.

**Isaya 1:16**

Mwiyosie nimwilabia; yinieho mumoni mwanje obubii bwebikhole bieenywe; leshenje okhukhola obubii.

**1 Yohana 2:15, 16**

Muraheelanga eshialo, kata ebindu ebiamwo tawe. Omundu yesi ouheela eshialo, muye obuheeli bwaSeefwe bubulamwo. Okhuba biosi ebili mushialo, mbu obwikombi bwomubili, nobwikombi bwetsimoni, nokhwichinjimisilia ebia muli ninabio, ebio shibirula ewaSeefwe ta, habula nebieshialo.

**Yohana 3:3**

Yesu nakalusia, namuboolela ari Toto mwene, ekhusunjila mbu omundu nareebulwa obwibulwi obuyia, shianyala okhulolakhwo obwami bwaNyasaye ta.

**1 Petero 1:23**

Mweebulwa obwibulwi obuyia; ne shikhuli khumwo eyibola, habula khuyeneyo eyirabola ta, khulwa likhuwa liaNyasaye, eliba mwoyo niliyindila.

**Ezekieli 36:26**

Ndalamuhelesia omwoyo omuyia, nira mwinywe roho imbia; ndalayinia omwoyo kwelichina

okuli munyama yemibili chieenywe, nimuhelesia omwoyo kweinyama.

**2 AbaKorinzo 5:17**

Okhuba omundu yesi naba nali muKristo, aba omulonje omuyia; amakhuwa kakhale kaba nikamalile okhubira; lole, kosi keekalulle amayia.

**1 AbaKorinzo 6:11**

Ne abandi khwinywe mwalinji murio; ne inywe mwoosibwa, khandi mwaahulwa, khandi mwa-basilibwa obulunjishi mulira liOmwami Yesu Kristo, khandi mu-Roho waNyasaye weefwe,

# OKHUFWILILA EBIONOONO — OKHULAMUSIBWA 29 MUKRISTO

**AbaEfeso 2:1 nende 6**

Neenywe mwesi mwalinji abafu khulwa obukhayi bweenywe nende ebionono bieenywe. . . Khandi yakhulamusia halala ninaye, nakhwikhasia halala ninaye hashineekulu, muKristo Yesu.

**AbaKolosai 3:1**

Kho olwa mwaiamusibwa halala nende Kristo, choomenje khukali ikulu, ewa Kristo ali, niyee-khaale khumukhono musaatsa kwaNyasaye.

**1 Petero 2:24**

Ye omwene yeetuukha ebionono bieefwe mumubilikwe khumusaala; mbu ifwe, nikhufwiliile

ebionono, mana khubeetsenje mwoyo khubulunjishi; ne amakhupacheke niko akachila nimuhonibwa.

**AbaGalatia 5:24**

Nabo abali baKristo Yesu bambile imela yomubili khumusalaba, halala nobwilaasi nobwinkombi bwayo.

**AbaRoma 6:2 nende 11**

Ifwe abafwa halubeka lwobwonooni, khwakhanyala khurie okhutsiililila okhumenya mubwo? . . . Nineenywe mwesi murio mwi-basie abeene shinga olwa muli abafu khubwonooni, habula abalamu khuNyasaye muKristo Yesu.

**Yohana 3:36**

Ousuubililanga Omwana ali nende obulamu bwobumeli; ne ouramuhulila Omwana ta shialalolakhwo obulamu tawe, ne oburina bwaNyasaye buba khuye.

**Yohana 17:3**

Nabwo obulamu bwobumeli mbwobuno, mbu bakhumanye iwe ouli Nyasaye watoto wenyene, nende omwenoyo owa waruma, niye Yesu Kristo.

**Yohana 3:14, 15**

Ne shinga Musa olwa yachinguula inzokha eyo mushitsimi, nilwo olwa Omwana wOmundu akhoyile okhuchinguulwa ario;

mbu omundu yesi ousuubila abe nobulamu bwobumeli muye.

**AbaGalatia 6:8**

Shichila ouraaka khulwa omubili kukwe omwene, alachesa obuboli oburula khukomubili; ne ouraaka khulwa Roho, alachesa obulamu bwobumeli oburula khukeshiroho.

**Yohana 5:24**

Toto mwene, emusunjila mbu ouhulila likhuwa lianje, nasuubilila omwenoyo owaruma, ali nobulamu bwobumeli, ne shiyeenjila mubuyaasibwi ta, nebutswa amalile okhubira okhurula mukhufwa okhwinjila mubulamu.



**1 Yohana 4:13**

Mwikhuwa lino nimwo omwa khumanyiile shinga olwa khume-nyanga muye, naye mwifwe, mbu shichila yakhukabiilekhwo khu-Rohowe.

**Yohana 14:21**

Ouli ninako amalako kanje nakahulilanga, niye ouheelanga isie; noyo ouheelanga, alaheelwa nende Papa, nasi ndalamuheela nimu-manyishila.

**1 Yohana 3:18, 19**

Baana batii inywe, khuleshenje okhuheelanga namakhuwa kata nolulimi bionyene ta; ne khuheelenje nebikhole nobwatoto. Mwikhuwa lino nimwo omwa khula-

manyila shinga olwa khuli abobwatoto, nikhulema omwoyo imbeliwe.

**AbaRoma 8:16**

Roho omwene arumbulana akobuloli halala nende roho yeefwe shinga olwa khuli abaana ba-Nyasaye.

**AbaGalatia 4:6**

Khandi olwa muli abaanabe, Nyasaye yaruma Roho wOmwanawe mumioyo chiefwe, nalanjisia ari Aba, Papa.

**Isaya 32:17**

Ne emilimo chiobulunjishi chilaba omulembe; khandi ebiamo biobulunjishi mbu obuholeelefu nende obwisiichi ebisoni nebisoni.

# KRISTO OUBEETSANGA NALI MWIFWE ALEERANGA OBUSANGAALI

**Yohana 17:13**

Ne bulaano enzitsa ewa oli; amakhuwa kano nako engaboola mushialo mbu babe nende okhwikhoya khwanje nikhuusilibwa mu-bo.

**AbaRoma 14:17**

Okhuba Obwami bwaNyasaye shibuli khukokhulia nende okhunywa ta, habula nobulunjishi nomulembe nende okhwikhoya, mu-Roho Omutakatifu.

**AbaGalatia 2:20**

Ndabambwa khumusalaba halala nende Kristo; ne endi mwoyo; khane shishili isie ta, habula Kri-

sto oubeetsanga mwoyo mwisie; nobulamu obwo obwa endi ninabwo mumubili, endi ninabwo mubusuubili obuli muMwana wa-Nyasaye, owa'heela niyeehaana omwene khulwanje.

**Yohana 15:11**

Amakhuwa kano omuboolcele, mbu okhwikhoya khwanje khube mwinywe, khandi mbu okhwikhoya khweenywe khwitsule.

**Itsabuli 16:11**

Umanyinjia injila yobulamu; imbeliwo buliho obusangaafu obulamba; mumukhonokwo musaatsa mulimwo amalayi akobumeli.

**Okhukalushila Mumalako  
11:26-28**

Lole, inyanga yino era imbeli weenywe ikhabi nende linyeko; mbu ikhabi, nimuba nimureka amarwi khumalako k**OMWAMI** Nyasaye weenywe aka emulachilia inyanga yino; nelinyeko, nimuba nimurareka amarwi khumalako k**OMWAMI** Nyasaye weenywe ta.

**AbaRoma 6:16**

Shimumanyile mbu olwa muba nimwihaanile abeene khumundu okhuba abasumbabe abamuhulila, muli abasumba bomwenoyo owa muhulilanga; kata abasumba bo-

bwonooni obuleera okhufwa, kata bobuhulili obuleera obulunjishi?

**2 AbaTsesalonika 1:7-9**

Nokhumurunga inywe abasandibwa, obusakulushi halala nineefwe, khukhufwimbulwa khw**Om**wami Yesu okhurula mwikulu halala nabamalaika bobunyalibwe mumemu tsiomulilo; olwa abakhalachila eshiina abeenabo abakhaya okhumumanya Nyasaye ta, kata abakhaya okhuhulila injili y**Om**wami weefwe Yesu. Abeenabo balanyoola omukuumo, mbu obwonooneshi bwobumeli, okhwahukhasibwa oburoola imbeli w**Om**wami khandi imbeli woluyali lwobunyalibwe ta.

## 34 OKHUULA KHUMWIYAMENJE KRISTO HABULAFU

**1 Yohana 2:23**

Oyo owambakhana Omwana, shialikhwo nende Samwana ta; ne oumwiya Omwana, kho ali nende Samwana yesi.

**Matsayo 10:32, 33**

Kho buli mundu yesi oulandiyama isie imbeli wabandu, nasi ndalamwiya imbeli waPapa ouli mwikulu. Ne omundu yesi oulandiyambakhana imbeli wabandu, nasi ndalamwiya imbeli waPapa ouli mwikulu.

**AbaRoma 10:9, 10**

Okhuba noba norumbula ebulafu nende omunwakwo shinga

Yesu olwa ali ye Omwami, nende okhusubila mumwoyokwo shinga. Nyasaye olwa yamulamusia mukhufwa, olahonibwa. Shichila omundu asubila mumwoyokwe, nabasilibwa obulunjishi; khandi arumbula ebulafu nende omunwakwe, nahonibwa.

**Luka 9:26**

Shichila omundu yesi oufwimbilwa isie nende amakhuwa kanye omurwe, neniye owa Omwana w'omundu alamufwimbilwa omurwe olwa yeetsa muluyali lulwe omwene nende oluyali lwa Samwana, nende olwabamalaika abatakatifu.

**1 Petero 5:8**

Mwiruchenje, nimuba meeso; shichila omusuku weenywe, Setani, achendanga shinga italanyi eyihoola, nakhaaba owa alia.

**2 AbaTsesalonika 2:9**

Ne okhwitsa khwomwenoyo khuleekhola khulwa obukholi bwaSetani nende ebikhole biobunyali nebilolelo nebiamakana ebirula mububeeyi.

**Matsayo 4:1 nende 10, 11**

Mana Yesu yeemililwa nende Roho okhutsia mushitsimi okhuteemwa nende Setani. . . Mana Yesu namusunjila mbu Hwaho, Setani; shichila lihandiikwa mbu Omwinamilenje Omwami Nyasa-

yewo, nomukhalabanila ye yeneyene. Mana Setani namulekha, ne lola, abamalaika nibeetsa niba-mukhalabanila.

**Ebikhole 26:18**

Okhutimbusia tsimoni tsiabwe, mbu bashiukhane barule khushilima nibachooma khubulafu, nokhurula khubunyali bwaSetani nibachooma khuNyasaye; mbu baheebwe obuleshelwi bwebionono nende obulaame mubeenabo abaahulwa khulwa okhusuubilila isie.

**AbaEfeso 6:11**

Mwifwale ebimanulwa biosi biaNyasaye, mbu munyale okhuyinga obubatsa bwaSetani.

## 2 AbaTsesalonika 2:8

Mana owobukhayi alifwimbulwa, owatsana owa Omwami Yesu alamalilana khulwa okhufuura khwomuuya okhurula mumunwakwe, namukwisia omukhaya khulwa okhulolekhakhwe olwa aleetsa.

## AbaHeburania 2:14

Kho shinga abaana olwa basanjilana khumabanga neinyama yomubili, ye yesi yasanjilana ario khubiatsana; mbu mana munjila yokhufwa atibie oyo owali nali nende obunyali bwokhufwa, niye Setani.

## 1 Yohana 3:8

Oukholanga akobwonooni nowaSetani; okhuba Setani yoonoo-nanga okhurula khukhuchaaka. Ne niko akachila Omwana wa-Nyasaye yabakalwa ebulafu, mbu ahesie emilimo chiaSetani.

## AbaRoma 8:35 nende 37

Niwina ounyala okhukhukabukhasia nende obuheeli bwaKristo? amatinyu noho, kata amasila, kata obusandibwi, kata eshimotso, kata eshihechenye, kata akamara-ba, kata olukanga? . . . Nebutswa mu ako kosi khuli abahuli muno khulwa omwenoyo owakhuheela.

# OBUHEELI NIBWO OBUMANYINJIA KHULI ABEECHI BAYESU

37

**AbaGalatia 5:22, 23**

Ne ebiamo biaRoho mbiebino; mbu obuheeli, obusangaafu, omulembe, obwifwili, eshisa, obulayi, obwisiikwa, obuholo, obwiruchi.

**1 Yohana 4:20**

Omundu naba naboola ari E-muheelanga Nyasaye, ne nakiya omwana wabwe, nomubeeyi; shichila ouraheela omwana wabwe, owa alolanga, shikakhanyalikhambu amuheela Nyasaye owa aralolakhwo tawe.

**Yohana 21:16**

Namusunjila khandi olwakhabili, ari Simoni waYohana, u'hee-

langa noho? Naye namusunjila ari Ee, Omwami; omanyile shinga olwa endi omwitsawo. Namuboolela ari Yaya amakondi kanje.

**1 AbaKorinzo 13:1**

Kata nimba nimboolela mutsinimi tsiabandu netsiabamalaika, ne nimbula obuheeli, endi butswa shinga omukasa okulanjilila, kata ebisili ebisaala.

**1 Yohana 3:14**

Khumanyile shinga olwa khwarula mukhufwa nikhwinjila mulubamu, shichila khuheelanga abalangwa mbu abaana beefwe. Ouraheelanga ta amenyanga mukhufwa.

# 38 OKHULAMUSIBWA KHWAYESU KRISTO

**AbaRoma 4:25**

**Omwenoyo owakhobwa khulwa obukhayi bweefwe, nalamusibwa mbu khubasilibwekhwo obulunjishi.**

**Ebikhole 10:39-41**

**Ne ifwe khuli abaloli bamakhuwa kosi aka yakhola, kata mushialo shiabaYabudi kata muYerusalemu; ne bamala nibamwira, nibamufunga khumusaala. Nomwenoyo, Nyasaye yamulamusia mukhufwa khunyanga yakhataru, namunyalila okhulolosibwa ebulafu; ne khubandu boshi ta, habula khubaloli aba Nyasaye yalobola khale, nifwe abalia ninaye olwa**

**yali namalile okhulamukha okhura mukhufwa.**

**Yohana 20:26-28**

**Ne olunyuma lwetsindaalo mu-naane, abeechibe bali nibali mubwenomwo khandi, nibali nende Tomasi halala. Yesu niyeetsa, emiliango nichikaale, nasinjila hakari, nabasunjila ari Omulembe kube khwinywe. Mana namusunjila Tomasi ari Leera olwalalwo hano, olole amakhono kanje; khandi leera omukhonokwo, okure mumbafu tsianje; noraba omundourasuubila ta, habula owobusubili. Tomasi nakalusia namusunjila mbu Omwami wanje, khandi Nyasaye wanje.**



# OKHULAMUSIBWA NIKHWO OBUNAAYI BWEEFWE OBWOLUYALI

39

**Matsayo 16:21**

Okhurula khushise eshio Yesu yachaaka okhumanya abeechibe shinga olwa akhoyile okhutsia eYerusalemu, nokhwifwila amakhuwa amanji khubakofu nabakuhani abakhulundu nabahandii-chi, nokhwirwa, nokbulamusibwa khunyangá yakhataru.

**AbaRoma 6:3-5**

Nohomba mushili okhumanya mbu ifwe fwesi ababatisibwa nikwinjisibwa muKristo Yesu kwabatisibwa nikhwinjisibwa mukhufwakhwe? Khulwako khwalyabilwa ninaye halala nikhwinjisibwa mukhufwa khulwa obubatisi-

bwi; mbu mana shinga Kristo olwa yalamusibwa okhurula mukhufwa khulwa oluyali lwaSeefwe, neefu fwesi khurio khuchende mubulamu obuyia. Shichila nikhuba nikhwaliimaasibwa ninaye khulwa okhufwa khulala nende okhukhwe, khuliba khurio khandi kulwa okbulamusibwa khulala nende okhukhwe.

**AbaRoma 1:4**

Ne halubeka lweimela yaroho yobutakatifu, yarumbulwa ebulafu nobunyali shinga olwa ali Omwana waNyasaye, khulwa okhulamusibwa khwabafu; niye Yesu Kristo Omwami weefwe.

Luka 1:74, 75

Okufuchiilila mbu ifwe, olwa khumalile okhuhonibwa muma-khono kabasuku beefwe, mana khumukhalabanilenje aharali oburii bwosi ta mubutakatifu nende obulunjishi imbeliwe tsindaalo tsieefwe tsiosi.

2 AbaKorinzo 7:1

Kho abaheelwa banje, olwa khwasuubisibwa amakhuwa ako, khwisiye abeene mushifwabwi shiosi shiomubili nende eshiaroho, nikhuusilia elala obutakatifu mukhuria Nyasaye.

2 Timotseo 2:21

Kho omundu naba niyeesiia khukano, aba eshimanulwa eshi-

heebwa oluyali, eshihule, eshikhoyeele okhwikhoonyelwa nomwami, eshikasilibwa buli mulimo omulayi.

1 Petero 1:2

Abalobolwa obumanyi bwaNyasaye ouli Samwana shinga olwa buli, owamanya khale akali imbeli, mubwahule bwaRoho, okhuula khubuhulili nende khubumiitswi bwamatsayi kaYesu Kristo; obukoosia nomulembe bimeeteshenje khwinywe.

1 Petero 1:15

Ne shinga ye owamulanga olwa ali omutakatifu, neenywe mwesi murio mube abatakatifu munjenda yeenywe yosi.

**Matsayo 3:11**

Isie toto emubatisinja nende amatsi khulwa obwikalukhasii; ne owitsanga munyuma wanje ya'shila amaani; shingwanile kata okhumuchinjila ebilaarobie ta; omwenoyo alamubatisia nende Roho Omutakatifu nende omulilo.

**Isaya 35:8**

Omuhanda kulabayo, nakwo kulalangwa mbu Injila yObutakatifu; abeshifwabwi shibalabirakhwo tawe; abachendi, kata nibali abasilu, shibalakorakhwo ta.

**AbaHeburania 13:12**

Ne niko akachila Yesu naye yasaalilila elwanyi weshilibwa,

mbu yaahule abandu khulwa amabangake.

**AbaEfeso 4:24**

Nimwifwala imela eyo imbia eyalongwa mukhufwana khwa-Nyasaye mubulunjishi nobutakatifu obwatoto.

**1 Yohana 1:9**

Ne nikhuba nikhwiyama ebionono bieefwe, ye nomwisiikwa khandi omulunjishi okhukhuleshela ebionono bieefwe, nokhukhusiiya khububii bwosi.

**AbaEfeso 1:4**

Shinga olwa yakhulobola muye okhurula khumusule, mbu khube abatakatifu, ababula eshikha shio-si imbeliwe, mubuheeli.

## 42 ABANDU ABEETSULA ROHO OMUTAKATIFU

**AbaRoma 8:9**

Nebutswa inywe shimuli mume-  
la yomubili ta, habula muli mu-  
mela yaroho, Roho waNyasaye  
naba namenyanga mwinywe. Ne  
omundu yesi ouralikhwo nende  
Roho waKristo ta, oyo shiali-  
khwo owuwe tawe.

**Luka 11:13**

Kho inywe abali ababii olwa  
mumanyile okhubahelesia abaa-  
na beenywe ebihaanwa ebilayi,  
Seenywe owomwikulu shialashila  
muno okhubahelesia Roho O-  
mutakatifu abo abamusaba?

**Ezekieli 36:27**

Ndalara roho wanje mukari  
mwinywe, nimuchesia mumalako

kanje; mulalindanga akobukhala-  
chi bwanje nimukakhola.

**Ebikhole 13:52**

Abeechi nabo nibeetsulamwo  
okhwikhoya khandi nende Roho  
Omutakatifu.

**Ebikhole 1:8**

Ne mulanyoola amaani olwa  
Roho Omutakatifu alaba namwi-  
tsiile; ne mulaba abarumbusi  
banje.

**Ebikhole 4:31**

Ne olwa bali nibamalile okhu-  
saba, munzu omwa bali nibakhu-  
ng'aanilemwo nimutechela; nabo  
bosi nibeetsulamwo Roho Omu-  
takatifu, nibarumbula likhuwa  
liaNyasaye nende itswoni.

**Isaya 66:2**

**Shichila ebindu biosi omukhono kwanje nikwo okwabikhola, khandi bino biosi nebianje; nolwa OMWAMI aboola. Ne omundu uno niye owa ndalahenganga, mbu omwituutuyi, owomwoyo okwinyushile, outechelelanga likhuwa lianje.**

**Obufwimbuli 21:4**

**Aleeya amasika kosi mumoni tsiabwe; kata okhufwa shikhulabaho khandi ta; kata shikhulabaho okhwikhuula, kata okhulila, kata okhusaalila khandi tawe; ako akaranjilila kahweele.**

**Itsabuli 34:18**

**OMWAMI abeetsanga ahambi khubeenabo aba emioyo chiabwe chitubuushe, nabahonia aba tsiroho tsiabwe tsiinyushile.**

**1 Petero 4:12, 13**

**Abaheelwa banje, murahuka khukokhuteemwa khweenywe khwomulilo, okhumukwila mbu khumuchele, shinga olwa kali amakhuwa amacheni akamwikholakhwo, ta. Ne aha musanjililanga khukhusaalila khwaKristo, mwikhoye; mbu khukhufwimbulwa khwoluyalilwe nakhwo mulikhoya omwikhoyo omukali.**

# 44 AMASUUBISIO KHUBO ABATEEMUNGWA

**Itsabuli 34:19**

Amabii aka omulunjishi akholelungwa namanji, ne **OMWAMI** amureesinja mukosi.

**Isaya 43:2**

Olwa obira mumatsi, embeetsangaho ninawe; kata mumialo, ne shichilakhuyombeelela tawe; olwa ochenda mumulilo, shiolafulukha ta; kata tsimemu shitsilakhusamba ta.

**AbaRoma 8:28**

Khandi khumanyile mbu mukahuwa kosi Nyasaye akholelana halala nende abo abamuheela okhuleera amalayi, nibo abeenabo

abalangwa khulwa tsiyemitsie shingwa olwa tsili.

**1 AbaKorinzo 10:13**

Mushili okhuteemwa nende likhuwa liosi ta, habula aka omundu anyala. Nyasaye nomwisikwa, ne shialafuchiilila mbu mutemwe okhushila ako aka mulanyala tawe; habula halala nende okhuteemwa khwene, alamukasilia injila eyokhwihonokoshelakhwo, mbu mana munyale okhwifwila.

**AbaHeburania 2:18**

Shichila olwa omwene yasaalila mubuteemwi, anyala okhubahabina abateemungwa.

**Obufwimbuli 3:21**

Oyo ouhula, ndalamufuchiilila okhwickhala ninasi khushifumbi shianje shioburuchi, shinga isie siesi olwa ndahula, ninzikhala nende Papa khushifumbishie shioburuchi.

**Obufwimbuli 3:12**

Oyo ouhula, ndalamukhola abe isiilo muhekalu yaNyasaye wanje, ne shialarulamwo khandi ta. Ndalahandiika khuye eliira liaNyasyaye wanje, nende eliira lielitookho liaNyasaye wanje, nilio Yerusalemu liyia, elirula mwikulu, okhurula ewaNyasaye wanje, khandi nende eliira lianje omwene liyia.

**Obufwimbuli 21:7**

Oyo ouhula alalaamilwa bino; nasi ndalaba Nyasayewe, naye alaba omwana wanje.

**Obufwimbuli 2:7**

Ouli namarwi, ahulile aka Roho asunjila tsikanisa. Oyo ouhula, ndalamufuchiilila okhulia khumusaala kwobulamu, okuliho mukunda kwaNyasaye.

**Obufwimbuli 3:5**

Oyo ouhula alafwalwa ario ebiifwalo ebilafu; kata shindalasi-liisia eliiralie lirule mushitabu shiobulamu nahatuutu ta; ne ndaleeyama eliiralie imbeli waPapa, khandi imbeli wabamalaikabe.

## 46 NYASAYE ABOOLANGA KHUKOBUKABUKHANI

**AbaRoma 7:2, 3**

Okhuba omukhasi owateeshibwa abeetsanga wabohwa nende itorati khumusaatsawe olwa abanashili mwoyo; ne omusaatsawe naba nafwa, ulekhuulilwe khuketorati akali khumusaatsa. Nebutswa naba natsia khuwundi, olwa omusaatsawe ashili mwoyo, alalangwa mbu omuheyi; ne omusaatsawe naba nafwa, abanashili khutorati; mana kata naba natsia khumusaatsa undi, shiaba omuheyi ta.

**1 AbaKorinzo 7:10, 11, 39**

Ne khubateeshania embalachilia, kata shindi isie ta, habula Omwami, mbu omukhasi ararula

khumusaatsawe ta. Nebutswa naba namurulakhwo, amenye ario narateeshibungwa ta, nohomba mbu asaasanibwe nomusaatsawe. Omusaatsa naye aramwilusia omukhasiwe tawe. . . Omukhasi abeetsanga omubohe olwa omusaatsawe ashiliho mwoyo, ne omusaatsawe olwa abanashili okhufwa, nomulekhuule oonyala okhuteeshibwa nende omundu owa omwene achama; habula mbu khukholelwe muMwami.

**Luka 16:18**

Buli mundu owilusia omukhasiwe nateeshia oundi, aheya; noyo outeeshia omukhasi ouba niyeelusiibwe nomusaatsawe yesi aheya.



**Yakobo 5:8**

Neenyu mwesi mwisimilisie murio; mwitinyie emioyo chieenywe; shichila okhwitsa khwOmwami khuli ahambi.

**Matsayo 24:27**

Shichila shinga oluhenu olwa lurulanga ebukwe, nilulolekha kata okhuula mumbo, nolwa okhwitsa khwOmwana wOmundu khuliba.

**Matsayo 24:30**

Mana eshilolelo shililolekha eshiOmwana wOmundu mwikulu; mana tsimbua tsiosi tsiabomushialo tsiliikhuula, ne balilola Omwana wOmundu niyeetsa mumaleesi

akomwikulu nende obunyali noluyali olunji.

**Mariko 8:38**

Shichila omundu yesi oufwimbilwa isie nende amakhuwa kanje omurwe, mulwibulo luno olwobwonooni, olubula obwisikwa, khandi Omwana wOmundu alamufwimbilwa ye omurwe olwa yeetsa muluyali lwaSamwana halala nende abamalaika abatakafifu.

**Yohana 14:3**

Ne nimba ninzia nimukasilia habundu, ndaleetsa khandi nimwinjisia ewanje, mbu ewa endi isie, nineenywe mwesi mubeho.

**Luka 12:40**

Nineenywe mwesi murio, mwi-recheshe; shichila khusaa eya murapaarakhwo ta, Omwana wO-mundu yeetsa okhwitsa.

**1 Yohana 3:2**

Abaheelwa banje, bulaano khuli abaana baNyasaye, ne khusbili okhufwimbulilwa shinga olwa khuliba. Khumanyile mbu ye olwa aliba nafwimbuulwe, khulifwanana ninaye; shichila khulimulola shinga olwa ali.

**Obufwimbuli 16:15**

Ari, Lola, enzitsa shinga omwibi. Noweibaraka oyo oubeetsanga meeso, natong'a nende tsingubo-

tsie, aleshe okhuchenda eshihecheyeye, nafwimbwa omurwe imbeli wabandu.

**Ebikhole 1:11**

Nabo nibasunga mbu Inywe abandu beGalilaya, olwashiina nimusinjiile nimuhenga mwikulu? Yesu uno owamurusiibwekhwo nakulusibwa nayilwa mwikulu aleetsa ario shinga olwa mumuluutsi natsia mwikulu.

**Matsayo 16:27**

Shichila Omwana wOmundu aliitsa muluyali lwaSamwana halala nende abamalaikabe; naba-bwenaho alamukalusilia buli mundu ebikholebie shinga olwa bili.

# LIKHUWA LIANYASAYE

**Itsabuli 119:11**

Embiishile likhuwadio mumwoyo kwanje mbu endeshe okhukhwoononela.

**Matsayo 22:29**

Ne Yesu nakalusia, nabasunjila mbu Mushiamile, nimuramanya amahandiiko, kata obunyali bwa-Nyasaye shinga olwa buli ta.

**Luka 21:33**

Likulu nende eshibala bilihwahoh; ne amasungo kanje shikalihwahoh ta.

**2 Timotseo 3:16**

Buli lihandiiko elia Nyasaye ya-beelamwo omuuyakwe likaasila-

nga obwechesii, nobukondesheli, nobukololosii, nobwibaali obuchooma khubulunjishi

**Itsabuli 119:89**

E OMWAMI, likhuwadio ne-liobumeli; liraliile mwikulu.

**2 Petero 1:21**

Okhuba bubulaho obulakusi bwosi obweetsa khulwa okhwenya khwomundu ta; habula abandu baboola akarula khuNyasaye, shinga olwa beemililwa nende Roho Omutakatifu.

**Itsabuli 119:105**

Likhuwadio neitaha khubilenje bianje, khandi nobulafu khunjila yanje.

LUYIA

Text reprinted from the Bible in Luyia by permission of the United Bible Societies Regional Centre, Nairobi, Kenya.

---

Published in numerous languages by World Missionary Press as God supplies funds in answer to prayer. Other booklets are also available. If you would like more copies for careful distribution, please write in English to:

**World Missionary Press, Inc.  
P.O. Box 120  
New Paris, Indiana 46553-0120 USA**

*Kenya*

*LUY*

3

49 Luyia